

Bosna i Hercegovina
Federacija BiH
Kanton Sarajevo
Skupština Kantona Sarajevo
n/p gđa Ana Babić, Predsjedavajuća

ZASTUPNIČKA INICIJATIVA

Na 33. Radnoj sjednici Skupštine Kantona Sarajevo, zakazanoj 02.10.2017. godine, upućujem inicijativu Ministarstvu obrazovanja KS i nadam se njenoj što skorijoj realizaciji.

Sigurna sam da ste upoznati sa slučajem dječaka Zejda Ćoralića.

Zejd Ćoralić je dječak koji ima teško oštećenje sluha, tačnije 94,3 po Fowleru. Unatoč tome, Zejd je odličnim uspjehom završio drugi razred OŠ "Osman Nakaš" u Sarajevu, zahvaljujući prvenstveno svojim roditeljima, učiteljici i drugarima iz razreda, koji su velika podrška ovom gluhom dječaku.

Cijeli svijet je obišla uspješna priča o razredu koji je, zajedno sa učiteljicom Sanelom, organizovao kurs znakovnog jezika, kako bi Zejd i ostali učenici mogli nesmetano komunicirati. Kurs su finansirali roditelji učenika. Mnogi svjetski mediji su prenijeli ovu pozitivnu pricu, a po istoj je snimljen film koji je ovog ljeta doživio svoju premijeru. Nažalost, podrška domaćih institucija je i ovaj put zakazala. Zakonski, pomoć asistenta i defektologa bi trebala biti zagarantovana, međutim ta se prava krše. Zejd je skupa sa učiteljicom i drugarima dobitnik Šestoaprilske nagrade Grada Sarajeva "Sarajevska pahuljica", te nagrade za humanost "Podvig godine" od Nezavisnih novina iz Banja Luke, a novčanim sredstvima od nagradu se plaćeni defektolozi za Zejda. Sve troškove Zejdove rehabilitacije i stručne pomoći, koja je neophodna za dječakov napredak, snose roditelji. Ovim putem apelujem da Ministarstvo obrazovanja KS iznađe način da se, s obzirom da je školska godina već u punom jeku, dječaku Zejdu čim prije

obezbijede sredstva za svakodnevan rad sa defektologom. Zejd je inteligentan, pametan i veoma emotivan dječak, i njegov jedini hendikep je sluh.

Nadam se da će u narednom periodu podrška za svu djecu sa poteškoćama u razvoju biti u skladu sa svim konvencijama, čiji je potpisnik i naša država.

Očekujem odgovor Ministarstva na predmetnu inicijativu u roku predviđenom Poslovníkom.

Sarajevo, 02.10.2017. godine

Zastupnica u Skupštini Kantona Sarajevo

Neira Dizdarevic

NAPOMENA: Molim da se predmetna inicijativa dostavi i
Ministarstvu za rad i soc. politiku!

Mladen